



Broj: 02-04-719-4/25  
Trnovo, 24.03.2025. godine

Na osnovu člana 70. Zakona o javnim nabavkama („Službeni glasnik BiH“, br.39/14, 59/22 i 50/24), a na Prijedlog Komisije za provođenje postupka javnih nabavki broj: 02-04-719-4/25 od 21.03.2025. godine, u postupku javne nabavke usluga – Usluge osiguranja, LOT 4: Kolektivno osiguranje radnika, Općinski načelnik donosi:

**ODLUKU**  
**o izboru najpovoljnijeg ponuđača za nabavku usluga**

**Član 1.**

Prihvata se Prijedlog Komisije za provođenje postupka javnih nabavki, broj: 02-04-719-4/25 od 21.03.2025. godine i ugovor za javnu nabavku: – Usluge osiguranja, LOT 4: Kolektivno osiguranje radnika, dodjeljuje se ponuđaču: **Adriatic osiguranje d.d. Sarajevo, Trg međunarodnog prijateljstva br. 20.**, ponuda broj: **42/25 od 17.03.2025.** godine, za ponudenu cijenu u iznosu od **5.940,00 KM** bez PDV-a, kao najpovoljnijem ponuđaču.

**Član 2.**

Prijedlog ugovora o nabavci dostavit će se na potpis na adresu Trg međunarodnog prijateljstva br. 20., Sarajevo.

Izabrani ponuđač oslobađa se obaveze da dostavi originale ili ovjerene kopije dokumentacije iz člana 45. i 47. Zakona o javnim nabavkama, jer je iste dostavio uz ponudu.

**Član 3.**

Za izvršenje ove odluke zadužuje se i ovlašćuje nadležna služba Općine.

**Član 4.**

Ova odluka objavit će se na web-stranici [www.trnovo.ba](http://www.trnovo.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

**Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 02-04-719/25 od 05.03.2025. godine, nakon prehodne provjere tržišta.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 18.000,00 KM, a predmetnog lota 4 je 5.985,00 KM bez PDV-a.

Tenderska dokumentacija objavljena na portalu Portala javnih nabavki dana 07.03.2025. godine.

Obavještenje o nabavci objavljeno je u Službenom glasniku BiH.

Komisija je dostavila dana 24.03.2025. godine Zapisnik o pregledu i ocjeni ponuda, broj: 02-04-719-4/25 od 21.03.2025. godine sa prijedlogom za donošenje odluke o izboru najpovoljnijeg ponuđača u postupku javne nabavke: Usluge osiguranja, LOT 4: Kolektivno osiguranje radnika. U postupku po izvještaju o radu je utvrđeno je da je Komisija za provođenje postupka javnih nabavki blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3,
- da su blagovremeno zaprimljene 3 ponude,
- da je neblagovremeno zaprimljeno 0 ponuda,
- da ponude ponuđača ASA Central osiguranje d.d. Sarajevo, Trg međunarodnog prijateljstva 25. i Sarajevo-osiguranje d.d. Sarajevo, M. Tita 29, nisu prihvatljive,
- da su ponude ostalih ponuđača prihvatljive.

Ponuda ponuđača ASA Central osiguranje d.d. Sarajevo, Trg međunarodnog prijateljstva br. 25, nije prihvatljiva, iz razloga kako slijedi:

Uvidom u ponudu ponuđača broj: 011612/25 od 11.03.2025. godine, na stranici 17. - Obrazac za ponudu i stranici 21. - Obrazac za cijenu ponude, naveden je iznos: 6.897,00 kao ukupna cijena ponude. Tenderskom dokumentacijom broj: 02-04-719/25 od 07.03.2025. godine, u tački 7. - Podjela na lotove, LOT 4: Kolektivno osiguranje radnika, utvrđena je procijenjena vrijednost nabavke u iznosu 5.985,00 KM bez PDV-a.

Imajući u vidu odredbu člana 2. stav (1) tačka 1) podtačka 2) Zakona o javnim nabavkama, ponuda je neprihvatljiva ako cijena prelazi planirana, odnosno obezbijedena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta. Članom 2. stav (1) tačka 1) podtačka 3) Zakona o javnim nabavkama propisano je da je ponuda nepravilna ako nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

U konkretnom slučaju ponuda ASA Central osiguranje d.d. Sarajevo je neprihvatljiva jer prelazi planirana, odnosno obezbijedena novčana sredstva ugovornog organa za nabavku, ali i nepravilna jer nije u skladu sa tenderskom dokumentacijom.

Imajući u vidu prednje, s ponudom se imalo postupiti u skladu s članom 68. stav (4) tačka i) a u vezi s članom 2. stav (1) tačka 1) podtačka 2) i podtačka 3) Zakona o javnim nabavkama, odnosno dostavljena ponuda je neprihvatljiva i nepravilna, te se ista odbacuje.

Ponuda ponuđača Sarajevo-osiguranje d.d. Sarajevo, nije prihvatljiva iz sljedećih razloga:

Uvidom u ponudu broj: 01-2119/25 od 13.03.2025. godine, u istoj dostavljene potvrde o uspješno realizovanim ugovorima izdatim od strane KJKP „Gradski saobraćaj“ d.o.o. i Bingo d.o.o. Uvidom u dostavljene potvrde uočljive su usluge osiguranja koje je Sarajevo-osiguranje d.d. Sarajevo pružalo navedenim poslovnim subjektima, ali se iz istih ne može vidjeti da su pružane usluge kolektivnog osiguranja radnika. Tačkom 12.b) Tehnička i profesionalna sposobnost za Lot 4 je propisano:

Uslov: Da je ponuđač u periodu od posljednje 3 godine ili od datuma registracije (ako je ponuđač registrovan, odnosno počeo sa radom prije manje od 3 godine, računajući od dana objave tenderske dokumentacije na portalu javnih nabavki) uredno izvršio ugovor/ugovore iz predmeta nabavke.

Dokaz: Spisak izvršenih ugovora iz predmeta nabavke.

b) Ponuđač je dužan dostaviti i potvrde o uredno izvršenim ugovorima u skladu sa članom 48. stav 2. i 3. ZJN BiH, koje daje druga ugovorna strana o uspješno realiziranim ugovorima po LOT-ovima i to kako slijedi:



Lot 4: jedna i/ili više potvrda koje daje/u druga/e ugovorna/e strana o uredno izvršenom/izvršenim ugovoru/ima iz predmeta nabavke, od toga jedan ugovor minimalne vrijednosti u iznosu od 5.500,00 KM bez PDV-a i to na poslovima kolektivnog osiguranja radnika (u posljednje tri godine računajući od dana objave TD na portalu javnih nabavki)". Kako u konkretnom slučaju dostavljene potvrde ne odgovaraju traženim uslovima, to se sa istom imalo postupiti u skladu s članom 68. stav (4) tačka i) a u vezi s članom 2. stav (1) tačka l) podtačka 3) Zakona o javnim nabavkama, odnosno dostavljena ponuda je nepravilna, te se ista odbacuje.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te, ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog tijela nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je jedna dostavljena ponuda prihvatljiva, kako slijedi:

R.br.	PONUĐAČ	Rangiranje ponuda prema kriteriju za izbor ponude bez PDV-a
1.	Adriatic osiguranje d.d. Sarajevo, Trg međunarodnog prijateljstva br. 20.	5.940,00

Na osnovu naprijed navedenog, odlučeno je kao u članu 1. Odluke.

#### POUKA O PRAVNOM LIJEKU

Protiv ove odluke može se izjaviti žalba u roku od pet dana od dana prijema Odluke o izboru najpovoljnijih ponuđača. Žalba se izjavljuje Ugovornom organu u pismenoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koja ne može biti manji od tri, kako bi mogla biti uručena izabranom ponuđaču kao i drugim strankama u postupku.

Općinski načelnik  
Po ovlaštenju Općinskog vijeća

Dostavljeno:

1. Ponuđačima
2. U spis predmeta

